

Visoki predstavnik osuđuje fatalni napad u Sarajevu

Nepoznati napadači su u utorak navečer napali i opljačkali gospodina Radeta Rajkovića i njegovu suprugu u njihovom domu koji se nalazi na području sarajevske općine Novi grad. Nakon napada gospodin Rajković je hitno prevezen u bolnicu Koševo, gdje je u srijedu ujutro podlegao uslijed nanesenih povreda.

Visoki predstavnik, Wolfgang Petritsch, užasnut je počinjenim ubistvom. Gospodin Rajković i njegova supruga, oboje u penziji, tek su se nedavno vratili u svoj dom u Sarajevu, nakon što su rat proveli u izbjeglištvu. Fizička sigurnost povratnika, bez obzira na njihovu etničku pripadnost i bez obzira na područje u koje se vraćaju, moraju predstavljati prioritetni zadatak svih nadležnih tijela na lokalnom, entitetskom i državnom nivou.

Visoki predstavnik uvjeren je da će federalne vlasti uložiti maksimalne napore na pronalaženju počinilaca tog užasnog napada na dvije nezaštićene osobe. Ne smije se dozvoliti da takvi beščutni i kukavički napadi na povratnike ugroze proces povratka koji je od ključnog značaja za oporavak Bosne i Hercegovine u poslijeratnom periodu.

Visoki predstavnik izjavljuje svoje iskreno saučešće porodici Rajković i ovim ih putem uvjerava da pošteni građani širom Bosne i Hercegovine saosjećaju s njima.